

Urusan Jenazah Dalam Islam

(Menurut As-Sunnah)

Tajuk: Urusan Jenazah Dalam Islam

Oleh: H. Hashim A. Ghani

Penerbit & Pencetak:
KTF Institiut, 31, Wisma Sentosa, 72000 Kuala Pilah.

Tel & Fax: 06-4810262

Cetakan Pertama: 1980
Cetakan Kedua: 1992
Cetakan Ketiga: 1997

Tidak dibenar mencetak dalam apa jua cara
tanpa izin penerbit.

Ayat Al Quran ini mengandung perintah supaya kita jangan bertaqlid buta tanpa penelitian dan mewajibkan supaya kita mengetahui betul-betul bahawa sebarang pekerjaan yang dilakukan itu memang mempunyai dasar yang teguh dan mempunyai dalil dan keterangan dari Allah dan RasulNya.

Dalam menentukan apakah amalan itu benar berfungsikan Sunnah atau tidak, bagi mendapatkan kebenaran -nya hanya dengan mengembalikannya kepada Kitab Allah dan Hadits Rasul, kerana menurut Firman Allah:-

يَا أَيُّهَا الَّذِينَ آمَنُوا أَطِيعُوا اللَّهَ وَأَطِيعُوا الرَّسُولَ وَأُولِي
الْأَمْرِ مِنْكُمْ فَإِنْ تَنَازَعْتُمْ فِي شَيْءٍ فَرُدُّوهُ إِلَى اللَّهِ
وَالرَّسُولِ إِنْ كُنْتُمْ تُؤْمِنُونَ بِاللَّهِ وَالْيَوْمِ الْآخِرِ ذَلِكَ
خَيْرٌ وَأَحْسَنُ تَأْوِيلًا

Hai orang-orang yang beriman! Turutlah Allah dan turutlah Rasul dan yang mempunyai kekuasaan diantara (golongan) kamu, dan jika kamu berselisih pendapat tentang sesuatu, kembalikanlah kepada Allah dan Rasul (Al Quran dan Al Hadits), jika kamu beriman dengan Allah dan hari kemudian, itulah yang lebih baik dan lebih bagus kesudahannya. QS An Nisaa': 59)

Ada orang berkata bahawa kita tidak pantas dengan sendirian terus kembali kepada Kitab Allah dan Hadits Rasul kerana kita sudah lemah dan tiada mempunyai keupayaan, oleh itu kita wajib menyerahkan saja dengan bertaqlid segala urusan ugama kita kepada mereka yang matang seperti para ulamak mazhab dahulu. Inilah penyakit racun yang berjaya menyenyapkan jiwa dan raga ummat Islam menyebabkan kita begini mundur kerana lenyapnya rasa ijtihad, mereka menaburkan racun ini sekarang, harus dilenyapkan segera kerana mereka berfahaman beginilah yang bekerjasama melumpuhkan ummat Islam.